

警察廳應負責任(二)總集合場司令部東首大樓場(三)口令每晚分兩種一普通二要急(四)王司書帶兵一棚往電報局(五)每晚十一點鐘斷絕交通惟商家有事通行須持商會憑證方可(六)議請商會令留兵艦三艘泊以資鎮守(七)電燈公司由警廳派警駐守(八)水上警備全歸警廳負責附近各營派兵查街無分區域(九)地方遇火警警廳派隊不得安動

蕪湖商務利在交通 近因特別戒嚴期內商人常苦不便往來而蕪湖總商會於此特具函致警廳云昨接會議條件第六條內載每夜十一句鐘斷絕交通惟商界有事通行須持商會憑證方可查各商會等負維持地方之責是以維持通行證券二十八紙編列號碼加蓋商會關防用特呈請核辦以便通行并附發給各辦事職員丁役通行證券姓名號數清單一紙開列該案業已通傳各署知照矣

陳宦處境之困難

(四川通信)

四川自帝制撤銷後陳將軍力主和平解決當時即電黎段諸人陳陳利害與夫議和之種種困難旋陳氏派前川軍旅長雷慶雲及前總指揮劉一清於三月三十一日赴川南與蔡松坡劉成勳之討論一切現聞劉氏已認可停戰一月停戰後善後辦法又為川省今日之重要問題吾人所當注意者

陳將軍之在川也與川軍無甚感情且川軍以第一師(即現改之第十五師)駐重慶與曹錕之兵同處一地其他順慶駐有川軍第二混成旅旅長之軍一旅至於陳所率到川之北軍雖有兩混成旅然現在死傷過半後又調第一旅(即曹錕混成旅)入川僅有一團到成都其餘均在川東至新蜀之軍一月以來川北各處已組成補團團備補團及警備隊此雖一旅有餘然皆係新兵且現正積極編制成軍是此等軍隊有無實力明眼人當一望而知

自陳事發生後川省各種款項均已挪用學款則短欠數月至軍政各款則以上月一月而論尚未支付各縣征收因土匪騷擾多未開徵且縣城失守庫款被劫已達十餘縣各縣之款到省者實寥寥財政廳亦無存款收回軍票已撤去六處其他六處日收不多軍票之信用又失且金庫存儲之軍票亦無幾涪川源之兌換券因基金太少亦不肯多發惟中國銀行之鈔票勉強支持財政上又如此困難此又陳氏所日夜焦慮者也

然則今日之四川已呈出一種危險之現象四月四日陳氏召集各紳耆在署磋商川事時有謂陳推官與尹昌齡任四川巡按使者此說甚覺可靠但謂尹皆不承認然陳氏於維持四川之方策實已煞費苦心矣

向瑞琨亦主張退位耶

與其欲亡國總統不如退位自全

北京分送呈徐相國楊左丞段總長鈞鑒瑞琨此次至滬本為中美輪船公司而來以北方報紙載調和於是滬上及外國報紙連日所載皆以袁探目之甚至有以炸彈手槍水陸夾攻

者瑞琨死不足惜而國事從此可知矣瑞琨伏而自思此次所戰爭者退位不退位耳退位世界之學理也不退位北方之事實也學理與事實相爭祇有採用調和之法項城前次願變更國體瑞琨等當即有所陳示人微言輕此次相國出山亦復有所論列然言不見信蒙相國及諸公平日謬相推許故敢再直陳項城三數年來被僉小播弄威信既失人格亦虧兵力財力有時而盡廣東浙江既見告矣山東江蘇亦危在旦夕財賦之區雖為富庶之地亦兵戎而外人相信之深似亦不及往日且強鄰逼處不退位不休及時退位猶可自全否則不堪問矣瑞琨若依他人見解則祇有退位一言依個人愚見則此中不能不稍分次第非此則北方必亂甚至首都之地亦見干戈見則外人必出而干涉似亦非項城美德也

瑞琨對親友言言期期以為不可為今之計(一)下令暫守元年公布之約法(二)召集國會以議定憲法等問題如都督將軍之權過重亦非國家前途之福(三)遵照元年成式國會開在南京(四)急教黨人(五)組織責任內閣(六)將兵權財權交於內閣(七)宣言退位出遊外國目前先電各省督軍領事其回電直下一令將此七者列陳而於退位一層尤不能不反覆詳說庶南方將士或見而意消北地人民亦曲諒其苦非然者中國立亡與其做亡國總統不如及此退位猶可以自全也瑞琨現在一商人耳區區之愚敢貢一得幸垂察而直陳焉向瑞琨叩

伍廷芳致袁總統書

所不死者唯靈魂耳

敬啟者竊廷芳自辛亥光復之後久置國事於不聞近窺人心不古愈生厭棄平日杜門謝客專心研究道德宗教等事無心再預塵世事惟是北京發起籌安會以來圖謀恢復帝制國民皆不以為然凡所代表贊成者無非為個人權利而已廷芳迭接各處函電致出為阻止均以婉辭却之不料滇南首先宣佈獨立各省又獨立不移時而廷芳而漸聯聯繼起大勢恐獨立者尚不止此也於是彼則抗拒此則征伐兵連禍結塗炭生靈思之良深憫惻乃國人復要求廷芳助廷芳不願以大義相責僉稱前因清廷政治腐敗謀改共和推翻專制亦與有力焉廷芳十三省推公為軍民代表與清室代表議和於滬上幸使清帝遜位民國告成初舉孫大總統未及百日即讓與袁大總統公皆極力贊成推公之心無非為國民福利起見故功成身退一無權利思想存乎其間試問袁大總統蒞任四年有何功德於民否則何人思若此各省吏治未見整頓官分治稍更張並不實行德政貪官污吏依舊橫征賦稅知募債加捐花樣百出商民怨聲載道近復允開三省烟禁辱罵國民今更聽從籌安會諸人謀復帝制設大典籌備處以萬民之膏血博一己之尊榮通令將士倒戈四民解體影響全國幾成一局殘棋謂前清政治不良誰料於今尤甚若此大言一再不發袖手旁觀何以對四萬萬同胞實無國民資格者問心能無愧乎廷芳受

其迫不得已特函告我公公平心而論似彼所云未免言之過甚但細味所云亦尚言之近理蓋當時組織共和之際原欲改良政治與中華不使專制再行發現縱不能蒸蒸日上總可較前稍勝一籌試問今日較前如何頻年四方不靖內訌外患相逼而來即觀敵省一隅海盜橫行擄人勒贖數見不鮮糜爛地方目不忍視此皆由政治未能改良也我公雄謀偉略瞻量過人欲假武力以治天下雖治亂世用重典前人亦有是言然必有實惠以加於民乃能心悅誠服況今二十世紀時代較前我國開關時代大有不同若泥古法以治民未免膠柱鼓瑟蓋用於古時則可用於今時則不可所以時務者為後也於今青年士子留學外洋沿海商民貿易他國國於歐美日本文明制度咸思而效法之倘舍新法而專以威勢壓人終有反動之一日如水之流下其勢不可阻擋我公四年以來多方改革苦心孤詣未始不可告人其奈人民不識變亂生蓋所改革者未能從根本解決以表面觀之則可矣此番各省獨立之舉雖為反對帝制起見縱無帝制問題發生早晚亦必生變但無如此之速耳我公榮榮大才海內共仰特於共和政體微形隔膜我公到朝鮮一國未曾遍歷東西洋未親見各友邦文明政治又不諳外國語言文字所寓目者惟華文數書籍而已何怪公之不能實行共和耶今數省起義之人亦係愛國熱忱迫而出此非故意與公為難也廷芳細思此舉關係全國內政外交稍一不慎後患無已爰不揣冒昧略舉數端公熟思之今各省既起事若以兵力解決一時未必即平將來生出事端或瓜分之禍則公不能辭其咎是愛國反以禍國也此請公熟思者一也查各省舉事者非爭奪權利實因政治不良欲圖改革若察察諸君俱夙負名譽之人非意欲倡亂者可比倘定以干戈相見恐萬國公論亦不甚為然此請公熟思者二也自古兵凶戰危彼此決戰終至兩敗俱傷而人民生命財產必大受損失即商業亦當停滯以一人之意見而禍數十萬生靈損失數千萬財產愛民如我公當亦不忍固執己見耳此請公熟思者三也 (未完)

向淑予之新世界

(忍)

向淑予態度何若主張何若此稍有目光者類能知之乃昨日忽亦發現一敦勸項城退位之通電事之愉快離奇莫過於此

電文中之最警句有一語曰退位者世界之學理夫今日之世界誠哉其學理昌明之世界也第退位一種學理則恐遍訪世界學者亦不知其起原於何人根據於何地嗚呼向淑予不乃發此可笑之論豈亦欲點綴此新奇之世界而自創一種學理耶然則向之云云適成其為個人心理上之一新世界耳

雜著

大亞細亞主義之運命

(伯人山夫著)

大亞細亞主義亦為不立於國民主義根據之上者一目了然也然則將以超國家的世界主義為其基礎乎而大亞細亞主義又非世界主義而僅為超國家主義亦顯而易見正以非世界主義故所以有極端排外動舉而挑發世界他部分之反感亦所以缺國民主義之倫理的基礎而內部之結合力甚薄弱由是觀之此大亞細亞主義不過於吾等眼中炫耀此慷慨激昂之華麗文字絕無所謂確實可恃之計劃可言也

五 大亞細亞主義之日本觀

此為極重要之問題由事實與統計推論之非寥寥數言所能畢述因篇幅其大略其詳俟後日

欲論本題不可不先就下述之五點分別敘之(一)日本之國家主義與大亞細亞主義(二)日本之國家主義與大亞細亞主義(三)日本之國家主義與大亞細亞主義(四)日本之對外政策與大亞細亞主義(五)日本之現代思潮與大亞細亞主義

第一所謂日本之國家主義者何就其極端言之即日本在世界之文化上有使命之意識是也吾等就日本之歷史的經驗上及地理的位置觀之知東洋遠之神祕主義與西洋徹底之機械主義日本遲早必有其調節之使命而同時日本國民之性情及能力經今度許多國家生活上之試驗且知有勝任此使命之能力是非科學的結論實為直覺的豫感所有使命之意識即為直覺的豫感之結果日本以此使命故知日本有為獨立國家而存在之意義同時日本之合理性足令日本對於有此使命之國家犧牲其所有以供給之且以吾等信日本之有此使命故信日本之確有完全之自衛手段及國家所有之道德範圍內確有和平的膨脹力及其他種種之膨脹力是故日本國家主義之理想確立於大和民族之上其前途四通八達豈能埋沒於區區大亞細亞主義之中哉

第二日本之國家主義既以大和民族為基礎則其義與人道主義甚相暗合而第一事不可不以公正之名要求白人種對於其他有色人種不許任意蹂躪而與白人同等待遇之且令所有有抑壓之國家自己覺醒而充實其內部生命以自力脫去他國之羈絆若有不能自存之國家亦聽之而俾從國家生滅之原理任其自滅吾等則微獨不加干涉且視其得保自存若對漂流於自國保護不及之他國而受基督教國所虐待之多數個人則不可不以人道主義援之且要求各國之對於一切移民須以社會的平等之地位待遇之若合衆國以門羅主義為骨體之全主主義標榜於世而對於我同胞之移入墨西哥及中美南美也而加常妨害則此等當以人道主義抗議之其他對於坎拿大對於澳洲亦莫不然若吾人一面高揚大亞細亞主義之招牌而一面反抗其全主主義之手段則未免矛盾耳

第三苟非國家觀上之唯心論者(唯大亞細亞主義確無唯心論者)則對於國家物質的基礎之要素必無或拒絕者由此觀之而即欲令排外的大亞細亞主義之實現以杜絕歐洲貿易之途殊無可取今為簡便計揭統計於左以明之